

王機微義卷之四十六

霍亂門

○內經叙霍亂所因

經曰。歲土不及。風乃大行。云云民病飧泄。霍亂。體重腹痛。筋骨繇併。

按此言土運不及。木乃太過。木乘土而為病。宜詳玩本文。

○論霍亂脉證

內經曰。脉伏者霍亂。

傷寒論曰。病嘔吐而利。名曰霍亂。或發熱頭痛身疼惡寒吐利。或自吐下。又利止復更發熱也。皆是霍亂。

證傷寒其脉微澁者。本是霍亂。今是傷寒却四五日
至陰經上轉入陰必利。本嘔下利者不可治也。
保命集云。傷寒霍亂轉筋。身熱脉長。陽明本病也。脾
胃受濕熱。中焦氣滯。或因冷飲。或傷冷水。或感濕氣
冷熱不調。水火相干。陰陽相搏。上下相離。榮衛不能
相維。故轉筋攣痛。經絡亂行。暴熱吐瀉。中焦胃氣所
主也。

謹按傷寒傳變為霍亂者殊少。惟夏秋之間暄熱。
人腠理疎。感風濕暘之氣而生。此證多有陰陽虛
實不同。脉來浮洪者可治。微而遲。氣少不語者。為

難治

○論霍亂分三因

陳無擇曰。霍亂者。心腹卒痛。嘔吐下利。增寒壯熱。頭
痛眩暈。先心痛則先吐。先腹痛則先利。心腹俱痛。吐
利並作。甚則轉筋入腹。則斃。霍亂惡證。無越於斯。蓋
陰陽反戾。清濁相干。陽氣暴升。陰氣頓墜。陰陽痞隔。
上下奔逸。治之唯宜溫煖。更詳別三因以調之。外因
諸風則惡風有汗。傷寒則惡寒無汗。胃濕則重著。傷
暑則熱煩。內因九氣所致。鬱聚痰涎。飲痞膈不通。遂
致滿悶。隨其勝復。必作吐利。或諸飽食。膾炙恣飡。乳
酪冰脯。寒漿旨酒。胃既膜脹。脾臟停凝。必內鬱發。遂
成吐利。當從不內外因也。

按此具霍亂三因稍備但立方未能以盡其變學者自宜推格

○論霍亂轉筋

陳氏曰轉筋者以陽明養宗筋屬胃與大腸今暴吐下津液頓亡外感四氣內積七情飲食甜膩攻劑諸脉枯涸於筋宗筋失養必致攣縮甚則卵縮舌卷爲

難治

按此言霍亂者多轉筋大抵冷熱不調陰陽相搏故轉筋攣痛甚者遍體轉筋此實陰陽之氣反戾風寒乘之筋失氣血所榮而爲攣縮急痛也

○論乾霍亂

陳氏曰。乾霍亂者。忽然心腹脹滿。絞刺疼痛。壘毒煩
冤。欲吐不吐。欲利不利。狀若神靈所附。頃刻之間。便
致悶絕。亦涉三因。或臟虛。或腸胃素厚。故吐利不行。
按此謂人腸胃素厚。形氣實者。故感四氣。則吐利
不行。而乾揮霍。撩亂也。大抵熱勝。痰鬱。則悶亂。濕
勝。飲鬱。則吐下。形氣虛者。禍不旋踵。嚴氏謂胃中
諸食結而不消。陰陽二氣擁。而反戾。揮霍之間。變
成吐利。然飲食致者。亦有有餘不足。如飲食自倍。
外感濕暍。而乾霍亂者。宜吐之。或下之。過傷者宜
消導之。痰者劫之。寒者溫之。熱者清之。要在適事
為故也。

○論霍亂煩渴

陳氏曰。煩渴者。以陰陽反戾。清濁相干。水與穀併。小便秘澁。既走津液。腎必枯燥。引水自救。煩渴必矣。按吐利必渴。况腎水竭者乎。與水者。唯宜溫煖。甚者。天水輩以甘緩火也。

○霍亂治例

保命集云。霍亂陽明證。宜和中平胃。建中輩。或四君子湯。脈浮自汗。四君子加桂。主之。脈浮無汗。四君子加麻黃。主之。吐利轉筋。脇下痛。脈弦者。木剋土也。故痛甚。平胃加木瓜五錢。或建中加柴胡。木瓜。○吐利轉筋。腹中痛。體重。脈沉而細者。四君子加白芍。良姜。

○吐利四肢拘急脉沉而遲。此少陰霍亂。四君子加薑附厚朴。○吐利四肢厥冷脉微緩屬厥陰。建中加歸附。○吐利頭痛而身熱熱多欲飲水者。五苓散寒多不用水者。理中丸主之。

元戎云。太陰證霍亂者。理中加橘紅。名治中湯。○若吐下心腹作痛。手足逆冷。理中去白朮加熟附。名四順湯。○若吐利後轉筋者。理中加火煨石膏一兩。霍亂治法。

○和中之劑

四君子湯

平胃散

建中湯 並治證見前
方見虛損門

○治寒之劑

機要漿水散。治暴泄如水。周身汗出盡冷。脉弱不能
語言甚者加吐

半夏 二錢

附子

乾生薑

炙甘草

桂 各半錢

良姜 二分半

右為末。作一服。漿水煎服之。

薑附湯。治霍亂轉筋。手足厥冷。多汗嘔逆。

乾姜 一兩

附子 一箇生用

通脉四逆湯。治霍亂多寒。身冷脉絕。

吳茱萸 二兩炒

附子 一兩炮

桂心

通草

細辛

白芍藥

甘草炙各半兩

當歸三錢

右咬咀。每服四錢。水酒各半。加生姜煎。

理中湯。治過食生冷。遂成霍亂。吐下脹滿。食不消。心

腹痛

方見寒門

加橘皮名橘皮治中湯

嚴氏曰。若臍上築動者。腎氣動也。去朮加桂。吐多者。去朮加生姜。半夏利多者。仍用朮。心悸者。加茯苓。腹痛者。加乾姜。腹滿者。去朮加附子。厚朴。

○治濕之劑

三因茯苓澤瀉湯。治霍亂吐利後。煩渴飲水。

五苓減猪苓加甘草

按此太陽例藥也

○治暑之劑

局方五苓散治霍亂頭痛吐下煩渴方見濕門

嚴氏水浸丹治伏暑傷冷冷熱不調口乾煩渴

黃丹一兩分炒

巴豆二十五箇去皮心

右同研勻用黃蠟作汁為丸如梧子大每服五丸以水浸少頃別以新汲水吞下

按此劫劑也

加味香薷飲治伏暑吐利不止煩悶多渴

本方加檳榔

黃連

右咬咀每服五錢水酒各半煎服

冷香飲子治伏暑吐利煩燥

草果仁三兩

附子

橘紅各一兩

甘草半兩

右咬咀每服一兩入姜煎水旋冷服

按以上並太陽例藥也有寒熱陰陽不同要在脉證相符而行也

○溫經之劑

三因木瓜湯治霍亂吐下舉體轉筋入腹則悶絕

乾木瓜兩

吳茱萸半兩

茴香

炙甘草各一錢

右咬咀每服四五錢。入薑三片。蘇葉十片煎。按此陽明例藥也。大抵轉筋亦有所兼之證。不同用者。自宜推格。

○墜痰溫補之劑

三因胃氣丸。治憂思過度。脾肺氣閉。聚結痰飲。留滯腸胃。氣鬱於陰。凝之於陽。陰陽反戾。吐利交作。四肢厥冷。頭自暈眩。或復發熱。

硫黃 不以多少。入猪膽內。縛定頭。米泔酒。童便。各一碗。煮乾。下。半。取出。洗去穢。曬乾。秤十兩。

半夏 洗去滑。五兩。

人參

白茯苓 各一兩。

石膏 半兩。

右為末。生姜汁浸炒餅為丸。如梧子大。每五十九至百丸。空心食前米湯下。

○理氣溫中之劑

三因七氣湯。治七氣發鬱。致臆氣刑剋。陰陽反戾。變成吐利。交作寒熱。眩暈痞滿。咽塞。

半夏 錢五

厚朴

桂心 錢各三

茯苓

白芍藥

紫蘇

橘皮 錢各二

人參 錢一

右咬咀。每服四五錢。入薑棗煎。

訶子散。治心脾冷痛。霍亂吐利如神。

訶子

甘草 炙

厚朴 製

乾姜

草果

陳皮

良姜

茯苓

神麴炒

麴各等分

右為末。每服二錢。入鹽些。小水煎服。

按以上並足陽明經藥也。

○消食之劑

二因紅丸子。治脾胃虛冷。飲食失節。宿食留飲。聚癖腸胃。或因食不調。衝冒寒濕。忽作霍亂。吐利並作。心腹絞痛。

蓬朮

三稜

各二兩同用米醋煮一伏時

胡椒一兩

青皮

三兩炒

阿魏

二錢五分

右為末。化阿魏入陳米粉為丸。如梧子大。硃砂為

衣每服百丸至二百丸不拘時生薑甘草湯下

○雜方

嚴氏洗法治霍亂轉筋

蓼一把去兩頭水二升煮一升放溫熏洗

漬法治霍亂轉筋入腹

塩多用煎湯於槽中暖漬之

三因吐法治乾霍亂蠱毒宿食不消積冷心腹煩滿
鬼氣極鹹塩湯三升熱飲一升刺口令吐宿食便
盡不吐更服吐訖復飲三吐乃止此法大勝諸治
俗人以爲田舍淺近鄙而不用守死而已凡有此
證即先用之元戎云吐定用理中湯

灸法治霍亂已死腹中有暖氣者

鹽內臍中灸二十七壯

厥門

○內經論厥證所因

論曰。陽氣衰於下。則爲寒厥。陰氣衰於下。則爲熱厥。人質壯。以秋冬奪於所用。下氣上爭。不能復。精氣溢下。邪氣因從之而上也。氣因於中。由陽氣衰不能滲營其經絡。陽氣日損。陰氣獨在。故手足爲之寒厥也。陰氣衰於下。則爲熱厥。由醉飽入房。內亡精氣。中虛熱入腎氣。日衰。陽盛陰虛。故手足爲之熱也。陰氣盛於上。則下虛。下虛則腹脹滿。腹滿則下氣重。而邪氣逆逆。逆則陽氣亂。陽氣亂則令人暴不知人。或至半日。

遠一曰乃知人也名曰尸厥

按本論叙六經厥狀與六經厥逆甚詳宜玩本文大抵六經之厥陽證至為胸仆為癩疾為妄見陰證至為膜脹大小便不利或嘔或心痛之類皆素多痰氣因虛所乘之為病也惟有輕重之殊爾如成無已註傷寒論云厥者手足冷也四逆者四肢不溫也邪在三陽則手足必熱傳到三陰則手足厥冷厥者逆也而有陰陽之殊熱極而成厥逆者陽極似陰也寒極而成厥逆者獨陰無陽也

○論卒厥脉法

脉經曰脉至如喘名曰氣厥氣厥者不知與人言

金匱方論曰。寸脉沉大而滑。沉則為實。滑則為氣。實氣相搏。血氣入臟。唇口青。身冷。即死。如身和。汗自出。為入腑。即愈。此為卒厥。

按腑者為傳道出內之所。其氣通。故入腑。即愈也。

○論諸厥證寒熱不同

レラカ

陳無擇曰。經論粗分六經。殊不出寒熱二證。所因欲求備治。當歷明之。寒厥則因多慾而奪其精。故致陽衰。陰盛。熱厥則因醉飽入房。精虛則熱入。故致陰虛。陽盛。攷其厥因。多以不勝乘其所勝。氣不得行。遂致厥逆。如腎移寒於脾。則水乘於土。水既不行。乃成寒厥。如心移熱於腎。則火乘於水。火既不行。乃成熱厥。

六經皆然。可次第論也。尸厥亦然。正由臟氣相劑。或與外邪相忤。則氣遏不行。閉於經絡。諸脈匿伏。昏不知人。唯當隨其臟氣而通之。寒則熱。熱則寒。閉則通。經中以數醉爲熱厥之因。學者不可拘此。蓋傷寒溫病。皆有熱厥。仲景所謂熱深厥深。經意以酒能發百脈。熱故舉此以爲例耳。寒厥者。初得之。四肢冷。脈沉微而不數。多惡寒。引衣自覆。下利清穀。外證多惺惺。熱厥者。初得之。必發熱。頭疼。脈雖沉伏。按之必數。其人或畏熱喜冷。揚手掉足。煩燥不眠。大小便秘。赤外證多昏冒。傷寒亦然。

謹按寒熱發厥。固宜隨其陰陽勝負爲治。如其厥

逆者不外乎傷寒寒熱二證求陰陽厥逆之淺深
餘寒熱厥證是沉寒積熱發厥至若陰陽竭閉尸
厥卒厥又非以上寒熱厥證之比也陳論雖稍闖
其牘何治例殊未少具爾。

○論寒熱厥證宜吐下

子和曰厥之爲病手足至膝下或寒或熱也熱厥爲
手足熱寒厥爲手足寒也陽經起于足指之表陰經
起于足心之下陽氣盛則足下熱陰氣盛則足下寒
熱厥者寒在上也寒厥者熱在上也寒在上者以溫
劑補肺金熱在上者以涼劑清心火則愈矣若尸厥
痿厥氣厥酒厥可一涌而醒次服降火益水和血通

之
氣之藥。使粥食調養。無不瘥者。若其餘諸厥。做此行

謹按厥證。寒熱亦有陰陽虛實不同。如形氣稍實者。宜從子和之法。吐下之。虛甚者。惟宜隨其所因而調理之可也。陳氏論臟氣相刑。或與外邪相忤。氣遏不行。閉經絡。脉伏昏不知人。至爲尸厥。今世俗多作風治。鮮不致斃。如傳引華陀治魏太子尸厥。爲陽脉下墜。陰脉上爭。會氣閉而不通。上有絕陽之絡。下有破陰之紐。破陰絕陽之色。已發脉亂。故形靜如死狀。此與經言陰陽之氣盛衰爲厥之旨甚微。後人安能得證治之彷彿乎。而以陰陽證

治之可驗者較之。若傷寒手足厥逆。昏不知人。邪正已極。溫下之間。稍或遲緩。禍不旋踵。或汗不解。暴衄不知人而厥。或雜病得吐衄血而厥。不知人者。或二日。或三日。必問問則爲愈矣。蓋陰氣尚實。必身不熱。熱則不厥。厥則爲血溫身熱。主死矣。暴氣厥而形實者。七情所致。痰飲內鬱而厥。必半日。或一二時必間。形虛而氣逆甚者。多致不救。此又可見氣血爲厥。陰陽暴逆之甚也。故不可斷作風

治

厥證治法

○通關竅之劑

蘇合香丸。治卒暴厥不知人。未辨風痰氣厥。宜與此膏化濃湯灌之。惺後却議脉證用藥。

○吐劑

瓜蒂散 方見痰飲門

口噤者。或先用搐鼻藥。

○升發之劑

三因追魂湯。治卒厥暴死。及主客忤鬼擊飛尸氣絕。

不覺口噤 即麻黃湯

麻黃湯 方見寒明

右咬咀水煎。嚥之不下者。分病人髮。左右捉搦。按肩引之。令服。取效。千金方加桂。

按此治感中邪氣之劑也。

○治寒之劑

四逆湯。治寒厥。表熱裏寒。下利清穀。食入則吐。脉沉

伏。手足冷。方見寒門

按此治寒熱之劑。並出寒暑例。然內因氣血之劑。詳見各門。宜對證選用。茲不詳錄。

○治熱之劑

白虎湯。治熱厥。腹滿。身重。難以轉側。面垢。譫語。遺溺。

手足厥冷。自汗。脉沉滑。方見暑門

子夏問曰白羽者何也

曰白羽者言其色也

○

論語

子曰

子夏

曰

子夏

玉機微義卷之四十八

痺證門

○內經叙痺

經曰。風寒濕三氣雜至合而為痺。其風氣勝者為行痺。寒氣勝者為痛痺。濕氣勝者為著痺。以冬遇此為骨痺。以春遇此為筋痺。以夏遇此為脉痺。以至陰遇此為肌痺。以秋遇此為皮痺。

按本論備五臟等痺甚詳。宜玩本文。

○脉法

脉經曰。脉澁而緊痺病。

○論痺證所因不同

陳無擇云。雖三氣合痺。其用不同。三氣襲人經絡。入於筋脉皮肉肌骨。久而不已。則入五臟。煩滿喘而嘔者。是痺客於肺。煩心上氣。嗌乾恐噫。厥脹滿者。是痺客於心。多飲數小便。小腹痛如懷妊。夜卧則驚者。是痺客于肝。善脹尻。以代踵者。以代頭者。是痺客於腎。四肢懈墮。發欬嘔沫。上爲大寒者。是痺客於脾。又有腸痺。膈痺。及六腑各有俞。風寒濕所中。治之隨其腑俞。以施針灸之法。仍服逐三氣發散等藥。則病自愈。大抵痺之爲病。寒多則痛。風多則行。濕多則著。在骨則重而不舉。在脉則血凝不流。在筋則屈而不伸。在肉則不仁。在皮則寒。逢寒則惡。逢熱則縱。又有血痺。

以類相從。外有支飲作痺。

謹按痺之爲證。有筋攣不伸。肌肉不仁者。與風證絕相似。故世俗多類於風。痿痺證通治。此千古之弊也。徐先生已於卷首分出痿證一門。大抵因當分其所因。風則陽受之。痺感風寒。三之氣則陰受之。爲病多重。痛沉著。患者易得。難去。如錢仲陽爲宋之一代明醫。自患周痺。止能移於手足。爲之偏廢。不能盡去。可見其爲難治也。况今世俗多類於風證通治。宜乎不能得其病情也。

○論痺因虛所致

嚴氏曰。痺證因體虛。腠理空疎。受之而成。逢寒則急。

逢熱則縱隨所受邪氣而生證也。診其脈大而濇爲痺。脈來急亦爲痺。脈濇而緊者亦爲痺。又有風血痺。陰邪入於血經故也。

謹按人感三氣爲痺者。正因形虛血虛爾。但有在肌皮血脉淺深之異。故入臟者死。雖陳氏具絕論頗詳。而其方未能以盡其變。學者自宜擴充。

痺證治法

○溫經勝濕之劑

三因附子湯。治風寒濕痺。骨節疼痛。皮膚不仁。肌肉重著。四肢緩縱。

附子生

白芍藥

桂心

甘草

白茯苓

人參各三兩

白朮一兩

乾姜三兩

右咬咀。每服四錢。水煎服。

按此太陽例藥。溫中解表之劑。

○踈風養血之劑。

三因黃芪五物湯。治人骨弱肌重。因疲勞汗出。即不
時動搖。加以微風。遂作血痺。脉當陰陽俱微。尺中
少緊。身體如風痺狀。

黃芪

白芍藥

桂心等分

右咬咀。每服四五錢。入薑棗煎服。

嚴氏蠲痺湯。治身體煩疼。項背拘急。或痛或重。舉動
艱難。手足冷痺。腰腿沉重。筋脉無力。

當歸

白芍藥

黃芪

片子薑黃

羌活

各一兩半

甘草

炙半兩

右咬咀。每服四五錢。入姜棗煎服。

黃芪酒。治風濕痺身。體頑麻。皮膚癢。筋脉攣急。言語蹇澁。手足不遂。時覺不仁。

黃芪

防風

桂

天麻

草薺

石斛

虎骨

炙

白芍藥

當歸

雲母粉

白朮

茵芋葉

木香

仙靈脾

甘草

川續斷 各等分

右劉如麻豆大以生絹袋盛好酒一斗浸之春五
夏三秋七冬十日每服一盞溫服之不拘時
防風湯治血痺皮膚不仁

防風二兩

川獨活

川當歸

赤茯苓

秦艽

赤芍藥

黃芩各一兩

桂心

杏仁

甘草各半兩

右咬咀每四五錢入薑煎服

獨活寄生湯治肝腎虛弱感風濕致痺兩脛緩縱痺

弱不仁方見脚氣門

謹按已上方多太陽例藥也大抵痺證有兼風兼

濕寒熱獨勝。腑臟所受不同。用者自宜擴充。然此證因虛而感。既著體不去。須製對證藥。日夜飲之。雖留連不愈。能守病禁。不令入臟。庶可扶持也。如錢仲陽取茯苓其大逾斗者。以法噉之。閱月乃盡。由此雖偏廢而氣骨堅悍。如無疾者。壽八十二而終。惜乎其方無傳。

○治痰飲之劑

茯苓湯。治支飲。手足麻痺。多唾眩冒。

半夏

赤茯苓

橘紅

各一兩

枳實

桔梗

甘草

各半兩

右咬咀。每服四五錢。入姜七片。水煎服。

按此言支飲能爲痺證。即飲能爲脚氣證是也。大抵因虛而傳注邪客日久。榮衛壅鬱。多致濕熱。經緩不能自收持。如逢熱則縱也。已上方未能盡其例。用者自宜通變也。

內則其自宜強學也

然不如此則其學無益也

其學之益也

其學之益也

婦人門

○論經閉不行

內經陰陽別論云。二陽之病發心脾。有不得隱曲。女子不月。其傳爲風。消爲息。賁者死不治。東垣曰。婦人脾胃久虛。或形羸氣血俱衰。而致經水斷絕不行。或病中消胃熱善食漸瘦。津液不生。夫經者血脈津液所化津液既絕。爲熱所爍。肌肉消瘦。時見渴燥。血海枯竭。病名曰血枯經絕。宜瀉胃之燥熱。補益氣血。經自行矣。此證或經適行而有子。子不安爲胎病者有矣。或心包脈洪數燥。作時見大便秘澀。小便雖清。不

利而經水閉絕不行此乃血海乾枯宜調血脉除包絡中火邪而經自行矣內經所謂小腸移熱於大腸爲瘕瘕爲沉月澁不利則月事沉滯而不利故云爲瘕瘕爲沉也或因勞心心火上行月事不來安心補血瀉火經自行矣故內經云月事不來者胞脉閉也胞脉者屬心而絡於胞中令氣上迫肺心氣不得下故月事不來也曾治驗裴澤之夫人病寒熱而月事不至者數年矣已加喘嗽醫者率以蛤蚧桂附等投之曰不然夫人病陰爲陽所搏溫劑太過故無益而反害投以涼血和血之藥則經行矣已而果然

要略曰婦人之病因虛積冷結氣爲證經水斷絕至

有歷年血寒積結胞門寒傷經絡凝堅在上嘔吐涎
唾久成肺癰形體損分在中盤結繞臍寒疝或兩脇
疼痛與臟相連或結熱中痛在關元脉數無蒼經候
不勻令陰掣痛少腹惡寒或引腰脊下根氣街云云
謹按良方言婦人月水不通由勞傷血氣致令體
虛受風寒邪氣客於胞內損衝任之脉并手太陽
少陰二經致胞絡內血絕不通如以上病機皆略
之不議且血病經閉又豈止手太陽少陰二經耶
然亦有不因寒熱或痰飲積聚疝瘕所致如七情
所動其爲氣病血從一也况陰道常虛不足者實
多宜翫血證門血屬陰難成易虧論及後丹溪先

生等說

○論經水不調或紫或黑

丹溪曰。經水者陰血也。陰必從陽。故其色紅。稟火色也。血爲氣之配。氣熱則熱。氣寒則寒。氣升則升。氣降則降。氣凝則凝。氣滯則滯。氣清則清。氣濁則濁。上應於月。其行有常。名之曰經。爲氣之配。因氣而行。成塊者。氣之凝也。將行而痛者。氣之滯也。來後作痛者。氣血俱虛也。色淡者。亦虛也。而有水混之也。錯經妄行者。氣之亂也。紫者。氣之熱也。黑者。熱之甚也。今人但見其紫者。黑者。作痛者。成塊者。率指爲風冷乘之。而行溫熱之劑。禍不旋踵矣。良由病源論月水之病。皆

曰風冷乘之。宜其相習而成俗也。或曰黑者北方水之色也。紫者黑之漸也。非冷而何。予曰經云。亢則害。承乃制。熱甚者必兼水化。所以熱則紫甚則黑也。况婦人性執而鄙。嗜欲加倍。臟腑厥陽之火。無日不起。非熱而何。若曰風冷必須外得。設或有之。吾恐十百而一二也。

按此論經病甚詳。大抵不得率指爲風冷所乘者。此由良方所言。世俗往往因之。誤人故戒慎之也。然冷證外邪初感入經必痛。或不痛者。久則鬱而變熱矣。且寒則凝。既行而紫黑。故非寒也。

○論經漏不止

內經陰陽別論云。陰虛陽搏謂之崩。東垣曰。婦人脾胃虛損。致命門脈沉細而數疾。或沉弦而洪大有力。寸關脈亦然。皆由脾胃有虧。下陷於腎。與相火相合。濕熱下迫。經漏不止。其色紫黑。如夏月腐肉之臭。中有白帶者。脈必弦細。寒作於中。中有赤帶者。其脈洪數。疾熱明矣。必腰痛或臍下痛。臨經欲行。先見寒熱往來。兩脇急縮。兼脾胃證出見。或四肢困熱。心煩不得眠卧。心下急宜大補脾胃而升舉血氣。可一服而愈。或人故貴脫勢。人事踈少。或先富後貧。心氣不足。其火大熾。旺於血脈之中。又致脾胃飲食失節。火乘其中。形質肌肉容顏似不病者。此心病者。不行於診。

故脾胃飲食不調其證顯矣而經水不時而下或適來適斷暴下不止治當先說惡死之言勸諭令拒死而心不動以大補氣血之藥舉養脾胃微加鎮墜心火之藥治其心補陰瀉陽經自止矣痿論云悲哀太甚則胞絡絕胞絡絕則陽氣內動發則心下崩數洩血也故本病曰大經空虛發則肌痺傳爲脉痿此之謂也

良方論曰婦人崩中由臟腑傷損衝任血氣俱虛故也衝任爲經脉之海血氣之行外循經絡內榮臟腑若無傷損則陰陽和平而氣血調適若勞動過多致臟腑俱傷而衝任之氣虛不能約制其經血故忽然

暴下或由陰陽相搏。爲熱所乘。攻傷衝任血得熱則
流散甚者。至於昏悶。其脈數疾小爲順。大甚者逆。
按此備言經脈致病之因。本於臟腑傷損。合前東
垣所論。極言因熱因虛。或悲哀七情等所致病機。
殆無餘蘊矣。

○脈法

脈經曰。尺脈滑。血氣實。婦人經脈不利。○少陰脈弱
而微。則少血。少陰脈滑而數者。陰中則生瘡。○寸
口脈浮而弱。浮則爲虛弱。則無血。○脈來至。狀如琴
弦。若少腹痛。主月水不利。孔竅生瘡。○肝脈沉。主月
水不利。腰腹痛。○尺脈來而斷絕者。月水不利。○寸

關調如故而尺脉絕不至者。月水不利。當患小腹引腰痛。氣滯上攻胸臆也。○經不通。繞臍寒。疝痛。其脉沉緊。此由寒氣客於血室。血凝不行。結積血爲氣所衝。新血與故血相搏。故痛。○漏血下赤白。脉遲者。脉小虛滑者。生。急疾者。大緊實數者。死。○暴崩下血。寸口脉微遲。尺脉微弦。微遲爲寒。在上焦。但吐爾。今尺脉微弦如此。即小腹痛。引腰脊痛者。必下血也。○寸口弦而大。弦則爲減。大則爲乳。減則爲寒。乳則爲虛。寒虛相搏。脉則爲革。婦人則半產漏下。○尺脉急而弦大。風邪入少陰之經。女子漏自下赤。○漏下赤白。日下血數斗。脉急疾者。死。遲者。生。○尺寸脉虛者。漏

血漏血脉浮不可治也

○論赤白帶下

機要云。赤者熱入小腸。白者熱入大腸。其本實熱。冤結于脉不散。故爲赤白帶下也。冤。屈也。結也。屈滯而病熱不散。先以十棗湯下之。後服苦楝丸。大玄胡散。調下之。熱去濕除。病自除也。

按此正是論有餘之證也。論見下

良方論云。帶下起於風氣寒熱之所傷。或產後早起不避風邪。風邪之氣入於胞門。或中經脉流轉臟腑而發下血。名爲帶下。若傷足厥陰肝之經。其色青如泥。傷手少陰心之經。其色赤如紅津。傷手太陰肺之

經其色白形如涕。傷足太陰脾之經則其色黃如爛瓜。傷足少陰腎之經則色黑如衄血。此其因也。

按此言風氣寒熱之所傷諸臟致證似言外邪大抵此證多有本於陰虛陽竭。榮氣不升。經脉凝泣。衛氣下陷。精氣累滯於下焦竒經之分。蘊積而成其病。或醉飽房勞。服食燥劑所致也。白物如涕之狀。故言帶者亦病形也。經云帶脉爲病而得。名而白者屬氣。赤屬血。東垣舉脉訣云。崩中日久爲白帶。漏下多時骨木枯。言崩中者始病血崩。久則血少復亡其陽。故白滑之物下流不止。此可見未得全拘於帶脉矣。詳病亦有濕痰流注於下焦。或腎

肝陰滯之濕勝。或因驚恐。而木乘土位。濁液下流。或思慕爲筋痿。內經所謂二陽之證發心脾是也。或餘經濕熱。屈滯於少腹。小腹之下。而病本殊。則皆爲氣血虛損。榮衛之精氣累滯而成。其病標一也。前人立論。殆盡病機。則治法無定。若戴人以帶下。得兩手脉俱滑大而有力量。乃上用宣去痰。飲下以導水丸。泄濕熱。繼以淡劑滲之。此爲瀉實也。如其諸脉微細。或沉緊而澁。按之空虛。或洪大而澁。按之無力。正爲元氣不足。陰虛筋痿。虛極中寒等證。東垣有補陽調經固真等例。乃兼責虛也。丹溪先生注。因濕痰下注。用海石南星椿根皮之類較。

之前人下之而復吐以提其氣或發中兼補補中兼利燥中兼升發潤中益氣溫而兼收澁之例不同蓋病機有輕重淺深之異爾

○論師尼寡婦異乎妻妾之治

寶鑑曰宋褚澄療師尼寡婦別製方蓋有爲也此二種寡居獨陰無陽慾心萌而多不遂是以陰陽交爭乍寒乍熱全類溫瘧久則爲勞史記倉公傳載濟北王侍人韓女病腰背痛寒熱衆醫多以爲寒熱倉公曰病得之欲男子不可得也何以知診得其脉肝脉弦出寸口是以知之蓋男子以精爲主婦人以血爲主男子精盛以思室女人血盛以懷胎也如厥陰脉

絃出寸口。又上魚際。則陰盛可知。故知褚氏之言有謂矣。

○論胎產諸證

病機要云。治胎產之病。從厥陰經論之。無犯胃氣。及上二焦。爲之三禁。不可汗。不可下。不可利小便。發汗者。同傷寒下早之證。利大便。則脈數而已。動於脾。利小便。則內亡津液。胃中枯燥。製藥之法。能不犯三禁。則榮衛自和。而寒熱止矣。如發渴而白虎。氣弱則黃芪。血刺痛而用當歸。腹中痛而加之芍藥。大抵產病。天行從增損。柴胡雜證。從增損。四物宜詳察脈證。而用之。

謹按已上云胎產禁例。大抵主於原氣。本病爲要。至於病體所因不同。學者又必當處於權變也。且胎前之證。良方悉具。但每證治例殊少。如胎漏。胎痛。子煩。子腫等證。出方皆是治本病之例。設所因不同。或有所兼之證。如胎漏下血。亦有氣虛血熱。腹痛亦有濕熱者。或形志苦樂不一。七情所動。氣動血病。胎氣即損。雖治例未能以盡其變。然欲學者臨證。自推充而行之爾。今於諸證。未能一一悉具。聊以證治數例。附于後云。

○胎自墮論

丹溪曰。陽施陰化。胎孕乃成。血氣虛乏。不足榮養其

胎則墮。譬如枝枯則果落。藤痿則花墜。又有勞恐傷情。內火便動。亦能墮胎。譬如風撼其木。人折其枝也。火能消物。造化自然。病源乃謂風冷傷於子臟而墮。此未得病情者也。予見賈氏婦。但有孕至三箇月。左右必墮。診其脉。左手大而無力。重則瀆。知其血少也。以其壯年。只補中氣。使血自榮。時正初夏。教以濃煎白朮湯。下黃芩末一錢。與數十貼。得保全而生。因而思之。墮於內熱而虛者。於理爲多。曰熱曰虛。蓋孕至三月。正屬相火。所以易墮。不然。何以黃芩熟艾阿膠等。爲安胎妙藥耶。

丹溪曰。世之難產者。往往見於鬱悶安佚之人。富貴奉養之家。若貧賤者。鮮有之。古方止有瘦胎飲一論。而其方爲湖陽公主作也。恐非至到之言。蓋用之者。其難自若。予族姝苦於難產。遇胎則觸而去之。予甚憫焉。視其形肥而勤於女工。知其氣虛。久坐氣不運而愈若。兒在胞胎。因母氣虛不能自運耳。當補其母之氣。則兒健易產。令其有孕。至五六月來。告遂於大。全良方紫蘇飲加補氣藥。與之數十貼。因得男甚快。因以此方。隨母之性稟。與時令加減。服者無不應。用。臨蓐時腹不覺痛。產母亦無病。因名方曰達生散云。

○論局方胎產用藥之誤

丹溪曰。或問婦人一門。無非經候胎產。用藥溫熱。於理頗通。吾子其妄言乎。予曰。婦人以血為主。血屬陰。易於虧欠。非善於調攝者。不能保全也。餘方是否。若神仙聚寶丹。則有不能忘言者。其方治血海虛寒。虛熱盜汗。理宜補養。琥珀之燥。麝香之散。可以用乎。面色痿黃。肢體浮腫。理宜導濕。乳香沒藥。自可治血。可以用乎。胎前產後。虛實不同。逐敗養新。攻補難並。積塊堅癥。赤白崩漏。宜於彼者。必妨於此。而欲以一方通治乎。世人以其品貴名雅。又喜其常服。可以安神去邪。令人有子。殊不知積溫成熱。香竄散氣。服者無不被禍。自非五臟能言。醫者終不知覺。及至變生他

證悖理肉汁發陰經之火。易成內傷之病。先哲具有
訓戒。胡以羊雞濃汁作糜。而又常服。當歸丸當歸建
中湯。四順理中丸。雖是滋補。悉犯桂附乾姜僭熱之
劑。臟腑無寒。何處消受。若夫兒之初生。母腹頓寬。便
啖雞子。且喫火鹽。不思雞子難化。火鹽發熱。展轉爲
病。醫者不識。委指他病。率爾用藥。寧不誤人。予每見
產婦之無疾者。必教以却去黑神散。與夫雞子火鹽
諸般肉食。且與白粥將理。間以些小石首鱖魚。令甘
淡食之。至半月以後。與少肉。雖雞子亦須豁開煮之。
大能養胃却痰。彼當富貴之家。驕恣之婦。率有白帶
頭風。氣痛膈滿。痰逆口乾。經事不調。髮脫體熱。皆是

陽勝陰虛之病。天生血氣本自和平。日勝日虛。又焉知此等繆妄有以啓之耶。

○論婦人服熱劑求子之誤

丹溪曰。無子之因。多起於父氣之不足。豈可獨歸罪於母血之虛寒。况母之血病。癸止。虛與寒而已哉。然古方治婦人無子。惟秦桂丸一方。其性熱。其辭確。今之欲得子者。率皆服之。無疑。夫求子於陰血。何至輕用熱劑耶。或曰。春氣溫和。則物生。冬氣寒凜。則物消。不假熱劑。何由子。臟得暖而成胎。予曰。詩言婦人和平。則樂有子。和則氣血不爭。平則陰陽不乖。今得此丸。經血必轉紫黑。漸成衰少。或先或後。始則飲食驟

進久則口苦舌乾。陰陽不平。血氣不和。焉能成胎。縱使有成。子亦多病。以其能損真陰也。鄭憲史子生七

箇月得淋

云云見淋陶門

謹按婦人無子。多因經血不調。或陰虛血少。積聚痰氣。嗜慾等致。種種不同。奚已。虛與寒而已。然經寒者亦有之。但不可例爲常法爾。是以先生論此。戒後人不得病機之的者。斯藥勿妄行也。况無子之因。亦豈止於婦室者。如東垣云。李和叔問。中年以來得一子。至一歲之後。身生紅絲瘤。不救。後三四子。至一二歲。皆病瘤而死。何緣至此疾。翌日思之。謂曰。汝乃腎中伏火。精氣中多有紅絲。以氣相

傳生子。故有此疾。俗名胎癰是也。汝試視之。果如其言。遂以滋腎丸數服。以瀉腎中火邪。補真陰不足。忌酒辛熱之物。其妻與六味地黄丸以養陰血。受胎五月之後。以黃芩白朮二味作散。啖五七服。後生子。至三歲前。證不復作。今已年壯。噫。合觀先生已上所論。則其旨深矣。

婦人治法

○調經之劑

芎方四物湯。治衝任虛損。月水不調。臍腹疔痛。

當歸

川芎

白芍藥

熟地黄

各等分

右咬咀。每半兩水煎服。

按此手足太陰厥陰藥也

逍遙散。治血虛煩熱。月水不調。臍腹脹痛。痰嗽潮熱。

甘草 炙半兩

當歸

茯苓

白芍藥

白朮

柴胡 各一兩

右以咀。每半兩。入姜薄荷葉煎服。

按此足三陽三陰藥也。散血中濕熱之劑。

膠艾湯。治勞傷血氣。衝任虛損。月水過多。淋瀝不斷。

阿膠 炒

川芎

甘草 炙各二兩

當歸

艾葉 炒各三兩

熟地黄

白芍藥 各四兩

右以咀。每半兩水煎。

按此溫經補血之藥也。厥陰例。

良方温經湯。治婦人血海虛寒。月水不利。

當歸

川芎

赤芍藥

桂心

牡丹皮

莪朮各半兩

人參

甘草

牛膝各一兩

右改咀。每五錢水煎服。

薑黃散。治血臙久冷。月水不調。臍腹刺痛。

當歸

牡丹皮

延胡各二兩

赤芍藥三兩

川芎

紅花

桂心

莪朮各一兩

川薑黃四兩

右為末。每一錢水煎服。酒同煎亦可。

按此二方通經之劑。破血之藥。非止於温經也。臙

冷氣血滯者可用。姑存之。

加減四物湯

經候微少。漸漸不通。手足煩疼。漸瘦。生潮熱。脈微數。本方去地黃。川芎。加澤蘭葉三倍。甘草半分。

經候過多。本方去熟地黃。加生地黃。

經行身熱。脈數頭昏。本方加柴胡。黃芩。各半兩。

經行微少。或脹或疼。四肢疼痛。加延胡。沒藥。白芷。

與本方等。淡醋湯調下。末子。

經候不調。心腹疝痛。只用芎歸二味。名君臣散。

鹿茸丸。治衝任虛損。又爲風寒所乘。尺脈微小甚者。

可灸關元穴。

鹿茸灸

赤石脂

禹餘糧各一兩

續斷

栢葉各二兩

附子炮一兩

熟地黃

當歸酒浸

艾葉各二兩

右為末。酒糊丸。梧子大。每五十丸。空心溫酒下。

按此足少陰厥陰藥也。今人多用之。故收入。治血

虛濕勝帶下甚捷。

元戎加味四物湯

氣充經脈。故月事頻併。臍下多痛。本方加芍藥。

經欲行。臍腹絞痛。本方加玄胡。檳榔。苦棟。木香。

經水過多。本方加黃芩。白朮。

經水澁少。本方加葵花。紅花。

經水適來適斷。或有往來寒熱。宜先服小柴胡去
寒熱。後以四物湯和之。

丹溪加味四物湯

經候過而作疼。血氣俱虛也。宜本方對四君子湯

服之

經候將來作痛者。血實也。本方加桃仁。黃連。香附。

經水不及期。血熱也。本方加黃連。

過期血少也。本方加參朮。帶痰。加半夏。陳皮。

過期紫黑有塊者。血熱也。必作痛。本方加香附。黃

連。

過期而淡色者。痰多也。芎歸二味合二陳湯服。

紫色成塊者熱也。本方加黃連柴胡

肥人不及日數而多痰者多血虛有熱。本方加香

附南星半夏黃連白朮

瘦人血枯經閉者。朮方加桃仁紅花。或越鞠丸見方

血門

簡易當歸散。治經候不勻。或三四月不行。或一月再

至。或婦人天癸過期。經脈不調

當歸

川芎

白芍藥

黃芩

白朮

各半兩

山茱萸肉

一兩半

右為末。每二錢空心溫酒調下。日三次

按此足厥陰少陰藥也

寶鑑生地黄丸。治婦人血實厥陰脉弦而長病惡風
體倦乍寒乍熱面赤心忪或時自汗如傷寒狀也

服抑陰藥

生地黄兩二

柴胡

秦朮

黃芩各半兩

芍藥兩一

右末蜜丸梧子大每三十九烏梅湯吞下日三次
按此手足少陰大陰足少陽藥也

謹按以上諸方皆調理法也。然血分或水氣腸胃
等證詳見各門茲不備錄。大抵經病實者破之。虛
者散之。虛者補之。要在適事為故也。

○理氣之劑

澹索煮附丸。治經候不調。血氣刺痛。腹脇膨脹。頭暈
惡心。崩漏帶下。並宜服之。

香附子

擦去皮。不以多少。米醋浸一日。用瓦銚煮令醋盡。

右醋糊為丸。梧子大。日乾。每五十丸。淡醋湯下。

一方香附一斤。艾葉四兩。當歸

二兩。製同。名艾附丸。

嚴氏抑氣散。治婦人氣盛於血。變生諸證。頭暈

香附

四兩

茯苓

甘草

各一兩

陳皮

二兩

右為末。每二錢。食前沸湯調下。

按此方主於氣。煮附丸則氣中之血藥也。然氣鬱

甚者。宜於氣證門選用。不必拘此。

東垣益胃升陽湯。治婦人經候不調。或血脫後脈弱。

食少水泄日三二行

黃芪二錢

人參

甘草炙

當歸身

陳皮各一錢

白朮三錢

升麻

柴胡各十錢

炒麴二錢半

黃芩半錢秋去之

右咳阻。每半兩水煎。腹痛加芍藥。

補中益氣湯治婦人室女。經候不調。脉微食少體倦。

或熱方見熟門

按此二方氣血之藥。血脫益氣之大法也。

性兼正氣。天香湯治婦人一切氣。氣上凌心心曾攷。

無名功。高麗月水不調。

烏藥

香附子八錢

陳皮

錢

乾姜 半錢

每八錢水煎服

婦人經病多有因於七情六鬱致者故集已
以重義大抵氣行不失其常則經血亦行

通經之劑

良方通經丸治婦人室女經候不通臍腹疼痛或成

血瘕

川椒 炒

蓬朮

乾漆 炒

當歸 半錢

青皮

乾姜

大黃

桃仁 炒

川烏

桂心 各一錢

右為末。將一半用米醋熬成膏。和餘藥成劑。日中
杵之。丸如梧子大。陰乾。每三五十九。醋湯下。
嚴氏方無川馬有紅花

加味四物湯

嚴氏名
六合湯

治婦室經事不行。腹中結塊。疼

痛腰痛

本方加桂蓬朮

等分

右咬咀。每四錢。水煎服。

紅花當歸散。治婦人血臆虛竭。或積瘀血。經候不行。
時作腹痛。腰膝重疼。小腹堅硬。及室女經不通。

紅花

當歸尾

紫葳

牛膝

甘草

蘇木

剉各
三兩

白芷

桂心

各一
兩半

赤芍藥九兩 劉寄奴五兩

石為細末。空心熱酒調三錢。一名凌霄花散。

桂枝桃仁湯。治經不通。繞臍寒。疝痛。其脉沉緊。此由

寒客於血室。血凝不行。

桂枝 赤芍藥 生地黃各二兩

桃仁五十箇 甘草一兩

右為粗末。每服五錢。水煎入薑棗。

地黄通經丸。治經不行。結積成塊。臍下如覆杯。

熟地黄三兩 蜚虫去頭足炒 水蛭糯米炒

桃仁各五箇

右為細末。煉蜜丸。如梧子大。空心溫酒下五丸。未

知加至七丸

嚴氏琥珀散。治婦人室女。月事凝滯。腹脇脹痛。及血逆攻心。眩暈不省人事。

劉寄奴

牡丹皮

熟地黄

玄胡索

烏藥

赤芍藥

莪朮

三棱

當歸

桂各一兩

右用前五味用烏豆一升。生姜半斤切片。米醋四升同煮。豆爛為度。焙乾入後五味。同為細末。每服

二錢。用溫酒調服。空心食前。

戴人玉燭散。治經候不通。腹脹或痛。

四物湯對調。胃承氣湯。

右咬咀煎服

按以上諸方。並出厥陰例藥也。然有本於氣血。鬱血虛痰積等內。不同宜於前調經理氣諸方內。選用。

○治崩漏之劑

生地黄散。治經漏下。血脈虛。洪經水紫黑。方見血證門

簡易黃芩湯。治崩中下血。陽乘陰。經水滂溢。

黃芩 不以多

右為末。每一二錢。燒利。銚滓。酒調下。

按此二方。治熱之劑也。

一法用此味。治天癸當任。每月却行。或過多不止。

出瑞竹堂方名琴心丸

伏龍肝散治氣血勞傷衝任經虛血非時崩下。臍腹冷痛脉遲弱食少或赤白帶下

伏龍肝

赤石脂

麥門冬各一兩

甘草炙半兩

川芎三兩

當歸

乾姜七錢半

桂半兩

艾葉三兩

熟地黄二兩

右件為粗末。每四錢入棗煎

按此治寒例藥。補血固虛之劑也

備全藥治經室血崩不止

香附子

四兩炒

當歸尾

一兩二錢

五靈脂

一兩炒

右藥末。每五錢。淡醋湯調空心食前服。一方只用

香一味

治婦人亡血過多或氣逆心悶

四物湯一分 參蘇飲三分

石炭石入薑煎

按以上方理氣補榮之劑也

良方縮砂散治血崩

新羅砂不以多少瓦上炒香為細末米飲調下

三錢

王靈脂散治血山崩不止

靈脂十兩水煎去滓澄清再煎成膏入神麩二

兩和丸如梧子大每三二十九溫酒下

荆芥散治崩中不止

用此一味於麻油燈上燒焦為末每三錢童便

調下

瑞竹堂方蒲黃散治崩中不能止

破故紙

蒲黃

于古石灰各等分
炒過

右為末每二三錢淡酒或淡醋湯調下

按已上諸方皆劫劑也

東垣升陽除濕湯治婦人女子漏下惡血月事不調

或暴崩不止多下水漿之物皆由飲食失節或勞

傷形體或素有心氣不足因飲食勞倦致令心火

乘脾其脉緩而弦急按之洪大皆脾土受邪也

柴胡

羌活

蒼朮

黃芪

各一錢半

防風

甘草

炙

升麻

藁本

各一錢

蔓荊子

七分

獨活

當歸

各半錢

右咬咀作一服水煎食前服

涼血地黃湯治婦人血崩是腎水陰虛不能鎮守胞

絡相火故血走而崩也

生地黃

半錢

黃連

羌活

柴胡

防風

各三分

黃柏

知母

升麻

藁本

細辛

川芎

各二分

甘草

一錢

荊芥穗

蔓荊子

黃芩

各一分

當歸

半錢

紅花

少許

右咬咀作一服水煎

按已上三方升劑也。經漏不止。氣血下陷。非此不能治。

當歸芍藥湯。治婦人經脉漏下不止。其色鮮紅。或先因勞役。脾胃虛損。氣短氣逆。自汗不止。身熱食懶。大便或泄。體倦無力。

黃芪半一錢

白朮

蒼朮

當歸身

白芍藥各一錢

熟地黄半錢

甘草炙

生地黄各三分

陳皮半錢

柴胡二分

右咬咀作一服水煎

按此補劑也

○治帶下之劑

千金方。治帶下脉數者

枸杞根兩一

生地黄兩五

右二味酒煮一升至三合作一服

按此治熱例藥也

元戎六合湯。治婦人赤白帶下。脉沉微。腹痛。或陰中

痛。

四物湯兩四

桂

附子炮五錢

右咬咀。每五錢水煎食前服

按此治寒之劑也

宣明導水丸。治濕熱鬱於下焦之分。赤白帶下不止。

躁熱煩渴方見濕門

按此治濕熱之藥下劑也

嚴氏當歸煎丸治赤白帶下腹內疼痛不飲食羸瘦

當歸

赤芍藥炒

牡蠣煨

熟地黄

阿膠炒

白芍藥炒

續斷酒浸各二兩

地榆五錢

右為末醋糊丸梧子大每五十九空心米飲下

按此治血虛之劑潤燥藥也

良方白芷散治赤白帶下

白芷一兩

海標蛸二箇燒

胎髮一團

右為細末空心溫酒調下二錢

伏龍肝散治婦人赤白帶下久患不瘥肌瘦黃瘁多

困乏力

棕攔不以多少燒灰火

伏龍肝於鑪竈直下

屋梁上塵懸長者如無竈頭虛

右三味等分碾和令停入龍腦麝香各少許每服

二錢溫酒調下淡醋湯亦可憲十年者半月可安

按已上方皆劫劑也

益母草散治赤白惡露下不止

益母草開花時採陰乾為細末空心溫酒調二

錢日三服

東垣固真丸治白帶久不止臍腹冷痛陰中亦然

白石脂一錢火

乾姜炮四

黃栢酒

白芍藥各一錢

白龍骨二錢

柴胡一錢

當歸身二錢

右除石脂龍骨別。研外。同為細末。水煮糊丸。如桐子大。每十九。食前煎水下。

按此寒熱之劑。又止瀝藥也。

桂附湯。治白帶腥臭多悲不樂大寒。

肉桂一錢

附子三錢

黃柏

知母

甘草炙

升麻各半錢

黃芪一錢半

人參七分

右以咀作一服。水煎。食前服。

按此補陽氣極虛。用黃柏等為引用。又升降陰陽

之藥也。

補經固真湯。治白帶下流不止。始病崩中。日久血少。復亡其陽。故白滑之物不止也。

柴胡

甘草

郁李仁研

黃芩各一錢

乾姜二錢

橘皮半錢

人參二錢

白葵花去萼一朶

右咬咀水煎空心服

按此補氣例藥也

衛生湯。治帶下不止。脈微弱腹痛。

白芍藥炒

當歸各二兩

黃芪三兩

甘草一兩

右咬咀。或末。每五錢水煎空心服。下苦棟丸三十

粒

按此補血之劑也

苦棟丸。治赤白帶下

苦棟碎酒浸

茴香炒

當歸各等分

右為末。酒糊丸。桐子大。每五十丸。空心酒下

按此謂邪入小腸。故用此燥內藥也

酒煮當歸丸。治癩疔白帶下。注脚氣腰已下。如在水雪中。以火焙乾。厚衣蓋其上。猶寒冷。不任寒之極者。面白如枯魚之象。肌肉瘦削。小便不上。與白帶常流不禁。病甚者

當歸一兩

茴香半兩

良姜

附子炮各七錢

已上四味。咬咀。以好酒一升半。煮至乾。再焙乾

炒黃蘗

全蠍各三錢

丁香

苦棟

甘草 炙各半錢

柴胡 二錢

升麻

木香 各一錢

玄胡索 四錢

右與前同為細末。酒煮糊為丸。如梧子大。每五七

十九。空心淡醋湯下。忌酒濕麵油膩物

按此升陽勝濕之劑。氣血藥也

升陽燥濕湯。治白帶下。陰戶痛。控心急痛。身黃皮緩。

身重如山。陰中如水

防風

良姜

乾姜

郁李仁

甘草 各一錢

柴胡 二錢三分

橘皮

黃芩 各半錢

白葵花 七朶

右咬咀分作二服。水煎空心服。

按此升散之劑也

坐藥勝陰丹

三柰子

川烏頭

大椒各半錢

柴胡

羌活各二分

全蝎三筒

蒜七分

甘松二分

破故紙八分與蒜同煮

升麻

枯礬各二分

麝香少許

右為細末。煉蜜丸如彈子大。綿裹留系在外。納丸

藥於陰戶內

按此劫藥也

○灸法

氣海一穴在臍下一寸五分。主月事不調。帶下崩中。

因產惡露不止繞臍疔痛灸五壯

帶脉二穴在季脇下一寸八分陷者宛宛中灸七壯
主婦人月水不調及閉不通赤白帶下氣轉運背
引痛不可忍

血海二穴在膝膑上內廉白肉際二寸中治女子漏
下惡血月事不調逆氣腹脹灸三壯

陰谷二穴在膝內輔骨後大筋下小筋上按之應手
屈膝取之治婦人漏血不止腹脹滿不得息小便
黃如蠱膝如錐不得屈伸小腹引痛灸三壯

關元一穴在臍下三寸主婦人帶下瘦聚因產惡露
不止斷產下經冷可灸百壯

○安胎之劑

金匱方當歸散。妊娠宜常服之。

當歸

黃芩

白芍藥

川芎各一兩

白朮半兩

右五味為末。酒飲調服。方寸七日二次。

按此方養血清熱之劑也。瘦人血少有熱。胎動不安。數曾半產者。難產者皆宜服之。以清其源而無後患也。

千金茯苓半夏湯。治妊娠惡阻。心悶吐逆。頭眩四肢

怠惰。煩疼痰逆。嘔吐惡寒。自汗黃瘦。

半夏泡七次炒黃

生薑五兩

茯苓

熟地黃各三兩

橘紅

細辛

人參

白芍藥

紫蘇

川芎

各二兩

苦梗

甘草

各半兩

右咬咀。每四錢。水煎空心服。

局方參橘散。治妊娠三月。惡阻吐逆不食。或心虛煩

悶

橘皮

茯苓

各一錢

麥門冬

白朮

厚朴

雙

甘草

各半兩

右咬咀。每四錢。入姜竹茹煎。一方加入人參名竹茹

湯。良方名人參橘皮湯

良方膠艾湯。治妊娠或因頓仆胎動不安。腰腹疼痛。

或胎上搶心。或去血腹痛。

阿膠一斤蛤粉炒

艾葉數莖

指迷方加秦朮

右二味以水五升煮取二升分三服

阿膠散

嚴氏方作膠艾湯

不問妊娠月數深淺或頓仆或因

毒藥胎動不安腰痛腹滿捨心短氣

熟地黄

艾葉

白芍藥

川芎

黃芪

阿膠

當歸

甘草

炙各一兩

右四味每四錢入薑棗煎金匱方無黃芪

佛手散治妊娠傷胎下血

當歸三錢

川芎二錢

右四味水煎食前服

安胎散治妊娠自高墜下或為重物所壓觸動胎氣

腹痛下血。胃虛嘔逆。並宜服之。

縮砂不以多
少炒過

右為末。每二錢。用酒調服。艾塩湯亦可。

簡易方知母飲。治妊娘心脾壅熱。咽膈渴苦。煩悶多

驚

赤茯苓

黃芩

黃芪

各三兩

知母

麥門冬

甘草

各二兩

右咬咀。每四錢。入桑白皮。熟時。再入竹瀝些。小服。

竹葉湯。治妊娘心驚膽怯。終日煩悶。名曰子煩。

白茯苓

四兩

防風

麥門冬

黃芩

各三兩

右咬咀。每四錢。入竹葉五片。水煎。外臺方有竹瀝。

二合無葉一方有黃芩知母

按萃方枳殼湯治胎漏下血或因事下血

枳殼炒

黃芩各半

白朮一

右為末每一錢白湯調下宜明方無枳殼

二黃散治胎漏下血

生地黃

熟地黃

右為末煎白朮枳殼湯調下一錢或錢半

按良方論云婦人有子之後血畜以養胎矣豈可

復能散動耶所以然者有娠而月信每至是亦未

必因血盛也若謂榮經有風則經血喜動以其風

勝則可此例可見胎漏之因非止一端也治者宜

擴充焉

地黃當歸湯治胎痛

當歸兩

熟地黃兩

右爲末每半兩水煎良方等分爲末蜜丸名內補丸許學士云大率婦人妊娠唯在抑陽助陰蓋此等藥甚多然胎前藥唯無群隊若陰陽交錯別生他病唯是枳殼散所以抑陽四物湯所以助陰故爾然枳殼散差寒若單服之恐有胎寒腹痛之疾以內補丸佐之則陽不至強陰不至弱陰陽調定有益胎嗣此前人未嘗論及也愚詳陰陽調停不若不服爲愈

全生方白朮散治妊瘕面目虛浮肢體腫如水氣名

曰子腫

白朮一兩

生姜皮

大腹皮

陳皮

白茯苓皮各半兩

右為末。每服二錢米飲調下。指迷方有桑白皮無

白朮

李氏天仙藤散治妊瘕自三月成胎之後兩足自拘

面漸腫脹膝以來行步艱辛。以至喘悶飲食不羨

狀似水氣至於脚指間有黃水出者名曰子氣

天仙藤洗畧炒

香附子炒

陳皮

甘草

烏藥各等分

右為末。每服三錢。水煎。入薑三片。木瓜三片。紫蘇三葉。同煎。空心食前服。日三次。腫消止藥。

按此二方治證例相類。故併錄之。

嚴氏紫蘇飲治胎氣不和。湊上心腹脹滿疼痛。謂之

子懸

大腹皮

川芎

白芍藥

陳皮

蘇葉

當歸

人參

甘草

各半兩

右咳嗽每四錢入姜葱煎

安榮散治妊娠小便澀少。遂成淋澀。名曰子淋。

麥門冬

通草

滑石 各三錢

當歸

燈心

甘草

各半兩

人參

細辛

各一兩

右為細末每二錢煎麥門冬湯調下

羚羊角散治妊娠中風頭項強直筋脉攣惡言語蹇

澁痰涎不利或時發搐不省人事名曰子癇

羚羊角錢一 川獨活 酸棗仁炒

五加皮各半 薏苡仁 防風

當歸 川芎 茯神

杏仁各四 木香 甘草各二

右咬咀每五錢入姜煎

八味丸治妊娠小便不通名曰轉胞亦治子淋方見

門

丹溪參朮飲治妊娠轉胞

四物湯加入參

白朮

半夏製

陳皮 甘草

右咬咀入生薑煎空心服

按丹溪曰。轉胞之病。胎婦之稟受弱者。憂悶多者。性急躁者。食味厚者。庸或有之。古方皆用滑利藥。鮮有應効。因思胞不自轉。爲胎所壓。展在一邊。胞系了戾。不通耳。胎若舉起居於其中。胞系自疏。水道自利。然胎之墜下。必有其由。近吳宅寵人患此。兩脉似瀉。重則弦左稍和。予曰。此得之憂患。瀉爲血少。氣多。則胎氣弱而不能舉。弦爲有飲。血少則胎弱。氣多有飲。中焦不清而隘。則胞知所避而就。

下乃以已上藥與服。隨以指探喉中吐出藥汁候
少頃氣定又與之。次早亦然。至八點安。此法恐偶
中耳後又治數人亦効。未知果何如耶。

仲景云婦人本肌肥盛頭舉目滿。今反羸瘦頭舉
中空胞系了矣。亦致此病。但利小便則愈。宜服
腎氣丸以中。茯苓故也。地黃爲君。功在補胞。若
頭舉等語。其說未詳。恐有能知之者。

按已上安娘諸法。皆氣血本病之藥。故非辛熱苦
寒之劑。蓋產前當清熱養血也。然有外感風寒內
傷生冷。以辛熱散之。溫之。大積大聚。以藥衰其太
半而止。經曰婦人重身毒之何如。岐伯曰有故無

殞故無殞也。斯法亦不為本病之謂也。故難殞諸證例藥詳見大全良方。茲不備錄。

東胎丸於第八箇月服之

黃芩炒夏一兩春秋七錢半冬半兩

白朮二兩

茯苓七錢半

陳皮三兩忌火

右為末。粥為丸。桐子大。每三四十九。空心白湯下。

產生散又名東胎散

大腹皮三錢

人參

陳皮各一錢半

白朮

白芍藥各一錢

甘草炙二錢

紫蘇葉莖半錢

當歸尾一錢

或加枳殼縮砂

右咬咀作一服入青葱五葉黃楊腦七箇煎服於

八九箇月服十數貼甚得力。或夏加黃芩春加芍
冬依正方。或有別證以意消息。

又方於第九箇月服

黃芩怯弱人減半

白朮兩一

滑石

枳殼各七錢半

右為末粥丸如桐子大。每服三十九。空心熱湯下。
按世俗婦室姪娘鮮有服束胎藥者。蓋局方良方
諸法未能以盡其妙。用者多輒動娠。故率不敢行。
然丹溪先生因製已上諸方。以備世俗取擇。實好
生君子之一端也。

○滑胎易產藥

枳殼散。治姪娘胎肥。壅隘難產。臨月服之。

粉草炙一兩

商州枳殼二兩

右為細末。百沸湯點二錢。空心日三服

一方枳殼六兩甘草一兩

一方有糯米半升淘控乾同炒為末

溫隱居加當歸木香各等分

又法張氏方。治妊娘胎肥動止艱辛臨月服之縮胎

易產治氣寬膈

枳殼五兩

甘草一兩半

香附子二兩

右為細末。姜湯點服

神寢丸。滑胎易產入月服之

通明乳香半兩

枳殼一兩

右為末。煉蜜丸。梧子大。空心酒下三十丸。

陸氏名寤生丸。乳香只一分。

保氣散。安胎易產。或居處失宜。偶然頓仆。胎動胎痛。

漏胎下血。兼服佛手散。

香附子四兩

山藥二兩

縮砂一兩

木香四錢

粉草一兩

益智仁

紫蘇各半兩

右為細末。白湯點二錢。入月服之。

益元散。入月服之。濟胎易產。方見前

○產間藥

施氏催生如意散。臨產腰疼。方可服之。

人參

乳香各一錢末

辰砂半錢

右三味一處研。臨產急用雞清一箇調藥末。再用
生姜汁調服。如橫生倒產。即時端順而生。

催生佛手散 方見前

嚴氏無憂散。治胎肥氣逆。或入瘦血少胎弱。臨產難
產者。便產須知名保生無憂散。

當歸

川芎

白芍藥

各一兩

枳殼

炒五錢

乳香 三錢

木香 一錢半

血餘灰

二錢

甘草

一錢

右為末。每二錢水煎服。

簡易集効黑散子。催生兼治橫生逆產。

百草霜

白芷末

各等分

右和勻。每二錢童便并好醋調稀。更以沸湯調下。

局方催生丹。治產婦生理不順。產育艱難。或橫或逆。並宜治之。

十二月兔腦髓去皮膜研如泥

乳香別研細五分

母丁香二錢半

麝香另研五分半

右三味拌勻。以兔腦和丸。如雞頭大。陰乾。油紙裹。每一丸溫水下。即產兒手中握出。

良方催生乳香膏名如神開骨膏又名乳珠丹

一法滴乳為末。用猪心血為丸。五月五日午時

合

右如桐子大。硃砂為衣。每一粒面東酒吞下。未下再服。如胎乾者。先與四物湯。

秘方益母丸專治橫生逆產難產并安胎順氣神効
益母草五月採陰乾石臼搗爲末煉蜜丸如彈
子大每一丸或二丸臨產以童便和溫酒送下
氣不順木香參湯送下或作小丸吞服亦可

獨勝散

黃蘗子炒七十粒

研爛酒服濟窘急

若也臨危難產時

免得全家俱哭泣

小品療橫生倒產手足先出方

用粗針刺兒手足入二分許兒得痛驚轉即縮
自當回順而生

一法益塗兒足底又可急搔爪之并以益摩產

婦腹上即產

機要半夏湯。治胎衣不下。或子死腹中。或子衝上而昏悶。或血暴下。及胎乾不能產者。

半夏麩

一兩半

桂

七錢半

桃仁

三十箇炒

大黃

兩半

右爲細末。先服四物湯三兩次。服此。生姜同煎。

良方治死胎不下。其證產母舌青黑。及胎上冷者。子

已死。或指甲青。舌青。脹悶甚者。口中作屎臭。先以

平胃散一貼作兩服。每服酒水各一盞。同煎至一

盞。却投朴硝半兩。研細。再煎數沸。溫服。胎化血水

而下。

鹿角散。治因熱病胎死腹中

鹿角屑一兩

右水煎入葱白五莖豉半合。丹溪云。燒過治產後

血暈

當歸湯。治子死不下

川當歸三兩

川芎二兩

右為末。水酒各半調下四錢。未下再服

一方只用川芎末酒煎服

香桂散下死胎

麝香半錢

桂心三錢為末

右和勻。只作一服。溫酒調下

一方朴硝末二錢溫童便調下

必效方牛膝湯治胎衣不出腹臍堅脹急痛即殺人服此胞即爛下死胎

牛膝

瞿麥

各四兩

當歸

三兩

通草

六兩

滑石

八兩

葵子

五兩

右切細以水九升煮取三升分三服

宣明礪散治胎死腹中不下

礪砂

研細

當歸

各一兩

右二味研極細只分作二服溫酒調下如重車行五里不下再服

局方至寶丹

方見中風門

花藥石散。治胎死腹中。及胎衣不下。

花藥石 斤一

上色硫黃 兩四

右二味相拌勻。煉製見損傷門。

黑龍丹。治產後一切血疾。產難胎衣不下。危急惡疾。

垂死者。但灌得下。無不全活。

當歸

五靈脂

川芎

良薑

熟地黄

各一兩。剉以砂合盛。赤石脂泥封紙筋。塩泥固濟。

炭火十斤。煨令通赤。去火候冷。取開看成黑糟色。

取細研却入後藥。

百草霜 兩五

硫黃

乳香 各一錢半

花葉石

琥珀各一

右五味並細研與前藥再研如法修製和勻以米醋煮用麵糊丸如彈子大每服一九炭火燒令通赤投於生姜自然汁與章使入酒漉出控乾研細只此酒下

一方取死胎用烏雞一隻去毛細切水煎三三升湯通手用衣帛蘸摩臍下胎自出

○產後雜方

局方芎歸湯治產後去血過多暈煩不省

當歸

芎藭各等分

右咬咀每半兩水煎服腹疼加桂名桂香散一名

琥珀散。治腹中痛急。自汗頭眩。少氣。加羊肉。名羊

肉湯

黑神散。治產後惡露不盡。胎衣不下。血氣攻心。及腹痛不止。

黑豆炒半升

熟地黄

當歸

肉桂

乾姜

甘草

白芍藥

蒲黃

各四兩

生地黄局方良方俱無此味便產須知之

右為末。每二錢酒童便各半調服。一名烏金散。

按此手少陰足厥陰太陰陽明表裏血藥也。立方

大意見前丹溪之論矣。今人以為治產後百病率

用之。故收入。然用者自宜通變。

人參當歸散治產後去血過多血虛則陰虛陰虛則
內熱心煩短氣自汗頭痛

熟地黄

人參

當歸

桂

麥門冬各一兩

白芍藥二兩

右咬咀每五錢入竹葉生薑煎

當歸黃芪湯治產後失血多腰疼身熱自汗

當歸三兩

黃芪二兩

白芍藥一兩半

右咬咀每五錢入姜煎

失笑散治產後心腹絞痛欲死及見枕痛

蒲黃炒

五靈脂各等分

右為末醋調二錢熬成膏湯化服之

一法治兒枕痛各置服

經驗方三聖散治兒枕痛

當歸

桂心

玄胡索

右等分爲細末每服二錢熱酒或童便調下

嚴氏清魂散治產後血暈昏不知人更宜取漆器於

床前燒薰之頻置醋炭更服此藥

澤蘭葉

人參各一兩

荆芥穗四兩

甘草灸八錢

川芎二兩

右爲末每二錢熱湯溫酒各半盞調下

抵聖湯治產後血氣傷於脾胃腹脇滿悶嘔逆惡心

赤芍藥

半夏

澤蘭葉

陳皮

人參 各二錢

甘草 炙一錢

右咬咀作一服入生姜煎

當歸羊肉湯治產後發熱自汗肢體疼痛名曰產勞

當歸

人參 各七錢

黃芪 一兩

生薑 半兩

右咬咀用羊肉一斤煮清汁五大盞去肉入前藥

煎四盞去粗下作六服

良方茯苓散治產後心虛怔忡不定言語錯亂

人參

甘草

山藥

當歸 各一錢

生薑

遠志

茯苓

桂心

麥門冬 各半錢 大棗 五枚

右咬咀水煎

機要增損柴胡湯治產後經水適斷感於異證手足

擗搖咬牙昏育

柴胡 八錢

黃芩 四錢半

人參 三錢

甘草 炒

石膏 各四錢

知母 三錢

黃芪 五錢

半夏 三錢

右為粗末每半兩入姜棗煎

血風湯治產諸風痿癱無力

秦艽

羌活

防風

白芷

川芎

白芍藥

白朮

當歸

地黃

茯苓

半夏

黃芪 各等分

右為末一半為丸煉蜜桐子大一半為散溫酒送

下五七十九

愈風散治產後中風口噤牙關緊急手足痲痺如角

弓狀

荆芥穗各炒
為末

右每三錢豆淋酒調下童便亦可一方加當歸

謹按產後多有血病身強痲痺而似中風者宜用
此藥通血脉而清神或加當歸者為然非外因例
藥也是以姑錄此一法義見後丹溪論

獨行散治產後血暈昏迷

五靈脂炒

右為末水酒童便調下一二錢

當歸散治產後氣血俱虛無大補恐增客熱宜服此
去惡露

當歸

三芍藥

川芎

黃芩各一兩

白朮半兩

右為細末溫童便調下二錢

黃芪湯治產後汗不止因陰虛而得

黃芪二錢

白朮

防風

熟地黃

牡蠣煨

白茯苓

麥門冬

甘草炙各半錢

右咬咀每半兩入棗煎

加減四物湯治產後陰虛發熱或日間明了暮則發

熱增寒

當歸

川芎

生地黃

柴胡

右等分。每四五錢水煎

瑞竹堂方。治產後血塊腹痛

京芎炒

當歸炒

熟地黃

白芍藥炒各半兩

蒲黃炒二錢半

右同為細末。每服三錢。空心溫酒調下

丹溪參朮膏。治產後胞損成淋瀝證

人參二錢半

白朮二錢

桃仁

陳皮各一錢

黃芪一錢半

茯苓一錢

甘草炙半錢

右咬咀水煎。猪羊胞後入藥作一服

丹溪曰。嘗見尿胞因救生者不謹。以致破損。而得淋瀝證。有徐氏婦。於壯年得此。因思肌肉破傷在外者。且可補完。胞雖在腹。恐亦可治。診其脉虛甚。因悟曰。難產之人。多是氣虛。難產之後。血氣尤虛。因用峻補。以參朮膏煎。以猪羊胞。極飢時與之。每劑用一兩。至一月而安。恐是氣血驟長。其胞可完。若稍遲緩。恐難成功。

嚴氏趁痛散。治產後血滯。筋脉拘攣。腰背強直。遍身疼痛。

當歸

桂

白朮

牛膝

甘草 各三錢

黃芪

獨活

生姜 各半兩

碓白半二錢

右咬咀。每半兩水煎。

按此手足三陰藥。出太陽例。治表之劑也。然惡露不盡。絞痛不止。宜良方芎歸湯散。治裏之劑。以大黃桃仁等藥下之。血畜經絡成血塊。宜沒藥丸以蚘虫水蛭等藥逐之。皆變法也。茲不詳錄。故已上諸方。皆調理之劑。餘有異證。詳見大全良方。謹按產後血滯於經。多成癰腫。或有致不救者。蓋氣血虛損。逆之甚也。大抵此兼陰虛火動。凡辛溫之劑。宜慎之。矧產後用藥有三禁。我丹溪先生謂產後如無惡阻。當大補氣血。雖有雜證。以末治之。

18490
如中風。切不可作風治。與小續命湯。必先補氣血。然後治痰。當以左右手之脉。分其氣血多少而治。如發熱惡寒。皆是氣血。左手脉不足。用補血藥。多於補氣藥。右手脉不足。用補氣藥。多於補血藥。惡寒發熱腹痛者。當去惡血。以求通變之意也。